

## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Ex diffidentia in Deum, fames fit malesuada.

**urn:nbn:de:hbz:466:1-45653**

tes, eumq; affidue orantes? si fame defecerimus in eremo, nos Domini accuserimus, & improperemus ei, cum ad ipsum venerimus, dicentes: Credidimus Euangeli tuo, ubi dixisti: quod uniuersos in te credentes, cœli pabulopasces: fecimus cuncta qua precepisti, sperauimus in te, & tu nos despexisti. Sed quia ibi nos probasti, hic magis, ut probes veritatem, redde, quod promisisti. Nolite ergo murmurare aduersus Deum, ne murmurantes, sicut Patres nostri in deserto, a serpentibus pereatis. Quod si expectaueritis Dominum, quando voluerit, dabit bonitatemib; se. Quo dicto siluerunt paululum à murmuratione sua: erant tamen in mœro positi. Huc usque Frontonius, apud dictum authorem.

## V I.

Psal. 90.1.

Matth. 4.

Ludouicus  
Blos. in. Ap-  
pendice Mo-  
nilis spirit.

Nondum tamen hic finis historiæ: sed interponendum est aliquid prius, quam illam totam percensem. Cur enim in mœro positi isti, Abbas autem, plenus spe & fiducia, in gaudio fuit? Nimis illi Deum quidem crediderunt ubique præsentem, sed de Dei Bonitate non satis bene senserunt, sed fiducia Dei caruerunt; Abbas autem, cum sciret tam bonum Mundi Gubernatorem, tam potentem Conseruatorem, tam pium Patrem, filiis suis ubique adesse, persuasissimum habuit, immo, ut certum fidei articulum tenuit, neminem sibi, absque eius voluntate, nocere, nihil necessiarum rerum deesse posse. Nam qui habitat in adiutorio Altissimi, in protectione Dei cœli commorabitur. Et si, eo volente, cibus aliquando deficit, non in solo pane vivit homo, sed in omni verbo, quod procedit de ore Dei. Sic S. Catharina Senensis, aliquando à die cinerum, usq; ad Ascensionem Domini, sine cibo, perdu- rauit, sola Eucharistie communione contenta. Quod & in Nicolao, apud Heluetios, per multos annos, videre fuit. Poteſt etiam fieri, ut Deus aliquos fame sinat extremè affligi. Quod si fiat, vtique de manu id Domini est accipendum, qui potestatem habet vitæ necisque nostræ. Frontonius sciebat Bonitatem diuinam esse tantam, vt de ea nulli sit diffidendum. Quod utinam scirent omnes; non tam multi malis se artibus alerent, non furtis digitos, non rapinis manus contaminarent; non fraudibus, non mendacijs, non periurijs pecuniam facerent; non se turpi quæstu ale- rent; non venderent pudicitiam, non interuererent testamenta; non spoliarent in siluis & crumena, & vita viatores; non trade- rent Iudæis, conuulnerandam, non ipsi cacodæmoni porrigerent contumelijs fædandam SS. Eucharistiam: non tantopere labora- rent,

rent, in impetrandis schedulis & facultate carnibus vescendi, tempore quadragesimæ ; quippe alimentum à Deo sperarent , putarentque , cum tribus illis sanctis pueris , ipsa se abstinentia fore fortiores pinguiorésque. Nouit ille dare necessaria, nouit vires confirmare suorum: qui diuitibus , &, cuticulæ caussa, nimis sollicitis, delicate que ventrem impletibus, longè plures morbos immittit. Semper enim laborant catarrhis ; semper de capite, aut, dente queruntur, semper cordolum, calculum, stomachi cruditates, podagras & chiragras accusant, cū seipso accusare deberent, sua sibi intemperantia talia accersentes; semper poscunt sumuntque medicinas; vt multi plus accipiant à pharmacopola, quam è culina. Hæc iusto Dei Iudicio, vtrisque contingunt; vt & appareat, non in solo pane vivere hominem, sed in omni verbo, quod procedit de ore Dei, dum mucido pane victantes valetudine sunt meliore; & prudētia carnis, velut Tantalus in vndis, ipsa abundantia sua puniatur.

Vt ergo homines in exemplo doceret , diffidentesque fratres emendaret, & pariter Frontonij fidem etiam in nos diffundet Numen, illo ipso tempore, quo de victu nimium quantum solliciti erant , Angelum de cœlo misit ad copiosum quendam hominem , quadridui itinere à Monachis distantem, ad obsonandum. Intepesta nocte, diues lecto suo accubans dormiensq; nihil minùs, quām de liberalitate somniabat. Aurum plenis manibus comprehendere , Philippaos asperos sibi videbatur numerare , & Ioualibus cœnis interesse. Hunc Angelus , alia repente oblata imagine , ita compellauit: Nempe tu ille splendidus es epulo , qui ventrem faburra imples , & plus solus degulas , quām alij decem; semper satiatus , nunquam famelicus; amphora, gurges, helluo, & vnu de genere Apriorum ; solūmque natus , vt fruges absumas: at serui mei, in dura solitudine, in labore aspero , neque panem habent, quo sustentur ? Ad quid tibi diuitias dedit diuina liberalitas? nisi vt possis esse liberalis ? An, vt te cibis occideres ? vel, vt pauperes illius in vita seruares ? Experciscere, miser,& ni malum vis, audi, quid mandet Deus : Quām primū diluculabit, seruis illius , ex omnibus, quæ tibi data sunt, spōrtulam transmette. Neque graue hoc tibi videatur. Magnum beneficium præstat vniuersi Dominus , si quem gregis sui facit procuratorem. Doni loco ab eo accipit , quæ ipse donauit. Qui ergo te semper pauit, vult nunc à te ipse pasci. Nam placuit illi , ex elec-

## VII.